

yonghu ci 'oyona

'a voe noacachiana na a'o, 'o emoo'u mo yonto yo'hunge to nia'ucna
ne psoseongana, 'a lamia (lamza) toh'usnu ta tapangu, zou mi'o nuvohe ta
yasiyungu, 'e conoemoo'u pantomo loete'e ci mameoi, na'no yonghu ci
inohe, yaafeangoa ci amoconi, totontone ci inoconi ho i'o pasu'e pop'e okoa
ta ino'u coni, 'so a'umtu angu kaebu 'oyo toaphoyu, ko'ko lasi cuc'no
yainca to vanmsi--"voe snooknoko"; 'e pasuya ci mita'so
a'umtu naa'no kaebuc'o tiupuzu! ko'ko lahe cuno toos'onki ho yainca-
-"pasu'e yafeu ", la'so a'umtu sooma tos'onkoa na nia noana'oto.

ne fuengu, cuma na teno'so hioa ho lac'u feungna! ci 'alano ngiteuyunu
ngicu, la'u atva'esi kaebu suchipi to ak'i'u, zou hola no eusvusvutu, lasi
ahta o'te sotaica 'o patunkuonu, hocu eukukuyungva-- yamasiana, himeu ci
chumu---, 'a la'us'a ahta ta'hupsoni ho na'no taunona'vu. ko'ko la'ucuno
na'no kaebu fihto amo'uconi ho cocoeconu ta mafufuengu hota cpucpuhu,
mioci to'o'ofeihni no caphu no nianoana'oto, lasi yainca to ak'i-- "lako
letmaseiti, at'inghi ma lahe yaezac'o pohpoengoma na su, zou hoci o'te
einuu ho bobochio ta hpupungu, mala a'umta sokoeva". zou 'o'oko! te'o
ocia tuhtuocosi na muu-- "honciko yupteilu no kua'onga ci moatu'nu,

tekono a'umtu memconmcoi?

ta yonghu ci ma'o'oyona mia, la totovaha ahoi hotusbukua to 'eema,
homio, lamia(lamza) aesiesii at'ocu yupa to'to'usnu, la kiotokai hocino o'te
smuhnu, e'vono lamia ngoseo, at'inghi o'a lamia(lamza) s'a ecvuhu
ci 'tohungu te lamia acuhu na'no 'aveoveoyu.

zou ho lano yofna no mio, nahoeno uhto f'uf'ue, aothomu m'oyucu ho
ta'hongi 'e aukukuyungu su, hocu aemu'au teoumcomco, 'ola teo'si
mala mais'a aucunu psoetiskou no cincinkoya ci congeoha ta cea, ma
a'umtu naa'no yonghu! zou 'ac'ono'so a'umtu 'e nia'ucna 'omo yaa suptu
cimo mav'ov'o ci yonghu ci congeoha.

ne noana'o ta fuengu, lahe hucocoveozai to toa'ho'ho'e cou, zou na
a'umtusi-- 'a latono'so fihto pahsusufta no noana'o to, yupa nananghinghia,
yupho'eocu ho o'alato na'no measiksiki, lato ianan'ou acuhu
na'no 'aveoveoyu ho kokaekaebu 'e mito cono suezopu tamo yonghu
ci 'oyonato-- "psoseongana". na eni ma o'ala he peela ta'cu'ha no puutute.

美麗的家鄉

我是莊家的 Voyu，我家在阿里山里佳村的 Yo'hunge，我們是屬達邦大社與安家是親家。我家有一位是啤酒肚的老人、漂亮的媽媽，還有阿姨的乾兒子 Pasuya，他實在太愛到河流，所以叫他「水獺 Voyu」。Pasuya 喜歡玩火，大家都叫他「火焰 Pasuya」。

我喜歡跟著叔叔，追循先人的足跡到野地散散步，阿公常說：「你是獵人，也是獵物，不尊重及不認識山林很危險。家鄉五月為採筍季，會依傳統相互幫忙，有換工或請工。我們依循先人訓誨，相親相愛，每一個人都非常的快樂！